

四時盡地埏之八瀛守坐收乎天塹攻共恃乎長
城徙羞稱于劉敬葺無待于范生蓋萬世而永寧
也于是二客起而謝曰蟋蟀之吟待秋而出各言
其一未得其總乃今見教始劃然矣

報恩寺塢賦

盛時秦邑人

出都門以遊行兮經長干之故墟瞻浮圖之峩峩
兮心四顧而踟躕始卜築于孫吳旣再興于晉馬
獲石內之三珠得函中之半髮光煜燿而亂輝色
青紺而騰發惟金粟之自炯出玉毫而普現乃寶